

超然來何難 乃啓不窮年  
 駕燕聘空洞 乘景憇九天  
 玄蓋生元間 八烟颯寒輪  
 撫璇八空響 我馬亦無津  
 夕宴玄圃巔 東帶攜五靈  
 冥感自適運 汎然亦有緣  
 一扇動億千 絳景浮玄晨  
 仰超金闕內 俯眇西華城  
 東華啓五暉 神光煥七靈  
 流任自霄冥 風鼓空洞宇  
 手攜織女儂 雙鈴落錦青  
 華蓋隨雲傾 宴寢九度外  
 抱空沈九內 天姿愈日嬰  
 中修无聊生 宣况洞德穢  
 扶桑翠空峯 朱雲葩微明  
 四觀映高清 飛景控紫輪  
 寢偃大帝館 凌嶂阿母庭  
 捉契玉醴甕 曲晨乘風扇  
 暫適地藹中 迴駕泥良真  
 流浪任幽冥 始知榮辱辛  
 浪臺有虛上 玄會自相要  
 方悟憂促齡

曲室可清靜 順神待日成  
 百病從是生 天庭生金華  
 玉谷參玄鄉 瓊蕊互扶羅  
 飛藥吐雲沙 清晨案天馬  
 仙人來入室 又以滅百邪  
 道以齋爲先 勤行登金闕  
 普度諸人物 宿世恩德報  
 六齋禮空洞 十真神感徹  
 雲輿相迎謁 身飛昇玄都  
 上清諸真章頌 七祖咸解脫

三篇同卷  
 太上洞玄靈寶智慧禮讚  
 靈寶九幽長夜起尸度亡玄章  
 洞玄靈寶六甲玉女上官歌章  
 卷五

太上洞玄靈寶智慧禮讚  
 太上玄虛宗 弘道尊其經  
 歷劫無數齡 巍巍太真德  
 宵景結空構 乘虛自然征  
 安和樂未央 日月爲炳灼  
 學仙絕華念 念念相因積  
 神躁靡不歷 滅念停虛閑  
 請經若飢渴 持志猶金石  
 五靈度符籍 保子飛玄路  
 濟我六度行 故能解三羅  
 吐納養雲牙 逍遙金闕內  
 自然生七寶 人人坐蓮華  
 俯酣空洞瓜 容顏耀千日  
 法鼓會天仙 鳴鐘徹大魔  
 靈風扇香華 瓊欄開繁林  
 太真撫雲璈 去來亂我神  
 脩脩入空寂 脩脩入空寂  
 玉京爲余家 仰對玄都棗  
 奚計年劫多

眾仙彈靈琴	雅歌三天上	散慧玉華林
七祖昇福堂	由此步玄音	前世德未足
斯書邈難尋	信道情不盡	圖飛乃反沉
太上无為道	弘之在兆心	
學道由丹信	奉師如至親	挹景偶清虛
學華隨日新	眾人未得度	終不度我身
大願有重報	玄德必自然	陰惡罪至深
對來若輪轉		
學道甚亦苦	晨夜建福田	種德猶植樹
積善而成山	子能耽玄高	飄爾昇青天
修是无為道	當與善結緣	太上至隱書
名曰智慧篇	技苦由大才	超俗以得真
靈姿世所奇	燁若湖中蓮	
人行各有本	皆由宿世功	立德務及時
發願莫不從	善惡俱待對	倚伏理難窮
賢士奉法言	道德在兼忘	解是大智慧
上為太極公	寶蓋連玉舉	命駕御九龍
金華擊洞經	捧香悉仙童	嘯歌傲玄都
鳴玉叩瑤鐘		
疎身凌太清	超景逸紫霄	保元持法綱

遊玄極道遙	萬劫如昨夜	千椿如晨朝
巍峨歷雲華	手攀寶林條	香煙自然生
玄階與扶搖	靈幡順風散	繁想應時消
滅智弘大混	无為觀清謠	
土簡頌		
煥烟啓幽期	障蔽日月光	玄陰不解夜
四眾並恭恭	靈運自應圖	條欵朗太空
靈書八會字	五音合成章	
至真開大有	落落諸天明	妙哉龍漢道
八會結成形	煥爛飛空內	流光三界庭
神圖啓靈會	玉書丹簡名	
祈真登紫嶽	告命詣靈山	玉女揚梵響
金童奏紫煙	書名通九府	列宇上三天
永享無期壽	刻成金華仙	
降真		
九天命靈章	生神神自超	元君遺死路
司馬誦洞謠	一唱萬真和	九遍諸天朝
稽首恭劫年	慶紫榮舊苗	
太虛感靈會	命我生神章	一唱動九玄
二誦天地通	混合自相和	九遍成人功

大聖讚元吉	散花禮太空	諱天垂懽悅
祈真真必應	請福福當弘	玉章生萬神
一切稽首恭	琅琅九天音	玄關遇死戶
三遍列正位	炁參八辰門	數明道潛迴
靈鎮津液源	應會自感靈	
輪慶嬰兒蛇	稽首讚洞文	
謝神		
今日祈景福	稽首上靈壇	群仙俱降下
眾聖悉來觀	留恩既介祉	駐鶴且盤桓
齊主水長壽	合家得寧安	
朗耀天地間	徘徊眾神遊	星漢景雲散
門庭風雨稠	今日仙聖降	垂恩應所求
甘露灑貧苦	窮鬼自然收	爵祿應冥籍
富貴永千秋		
眾等无量人天眾	有幸得遇真法王	
慈悲降扇道場中	開顏含笑放威光	
徹照三千大千界	歸命丹誠禮十方	
一心歸命禮東方多喜國土玉寶皇上天尊		
一心歸命禮南方大福當國土玄真萬福天尊		
一心歸命禮西方大淨黎國土太妙至極天尊		

- 一心歸命禮北方西那國土玄上玉晨天尊
- 一心歸命禮東方妙樂國土度仙上聖天尊
- 一心歸命禮東南方難勝國土好生度命天尊
- 一心歸命禮西南方究黎國土太靈虛皇天尊
- 一心歸命禮西北方鬱丹輝善國土無量太

華天尊

- 一心歸命禮上方均天國土玉虛明皇天尊
- 一心歸命禮下方鬱察國土真皇洞神天尊
- 一心歸命禮十方盡虛空界微塵數天尊
- 一心歸命禮三洞神文靈符寶誡三十六部

尊經

- 一心歸命禮凝空雲象八角垂芒甚深法藏
- 一心歸命禮玉京天台香林寶殿
- 一心歸命禮傳經演教檄拯群迷奉大法師
- 一心歸命禮十方已得道真人玄師仙眾
- 臣今普為上界下方人天六道帝主人王歷劫師宗所生父母十方施主六道四生皆沐道恩歸命懺悔
- 至心懺悔臣等生逢明代長遇休期得入玄門身霑末悟師資賜授靈佩靈天緣累驅馳

觸塗背舛三會五臘少立善功八節三元多虧禮念十直本命未解修行甲子庚申朝真鎮嗣齊法九等意不專行功行三千曾無敬奉科禁至重舉措成愆戒行威嚴綺言增過心非意亂犯百八十條識智深達亡三百大戒自造三業禍積如山六慾四纏愆深巨海舉塵黑簿罪結冥司常恐考至形軀彫零命府伏願

至真至聖速鑿丹誠除死上生更加年算矣殃水滅福慈臻身厚祿遐齡常居法履智通玄悟水息迷昏習道成真持經無犯懺悔已歸命禮三寶

至心發願願我等歷劫廣修三業善常持妙法救含靈不被塵網所包纏生生超度三塗難願得寸心如慧日能除昏暗照虛空於諸法中無我人常起慈悲一乘行願口常齋甘露偈宣數淨戒度人天無談惡語綺言詞不欺生生含血命願足不履三惡道願手不殺一眾生願身如影輔

天尊坐起周行無捨速願與一切諸類等俱

辭餓鬼畜生身願與三界天人同一切勤求无上道發願已歸命禮三寶

衆等聽說此時清淨偈欲求歸真道離俗處嚴懃三時焚寶香堅心勤持戒當須棄榮祿名利勿牽聯當即值真人授子无上道上中

下座各記六念念天念地念道念經念真念戒

衆等聽說勤持戒一莫殺生二莫偷盜三莫邪淫四莫妄語五莫耽酒食六莫謗毀賢良天尊道教戒勸分明努力勤修早求解脫人身難得中國難生一失人身萬劫不復是故勸衆等同歸屆道場此世與來生常遵真經戒誠勸已歸命禮三寶

太上洞玄靈寶智慧禮讚

卷五

六